



Republika e Kosovës
Republika Kosova-Republic of Kosovo
Qeveria - Vlada-Government

Ministria e Kulturës dhe Turizmit
Ministarstvo Kulture i Turizma
Ministry of Culture and Tourism

Deklarata e Performancës së ASHAK 2025

Data:	28.04.2026
AGJENCIA	Agjencia Shtetërore e Arkivave të Kosovës
MINISTRIA PËRGJEGJËSE	Ministria e Kulturës dhe Turizmit
Miratimi i Raportit të Performancës (Po/Jo)	Po
Vlerësimi përshkrues i performancës	
Vlerësimi përshkrues i performancës së Agjencisë Shtetërore të Arkivave të Kosovës për vitin 2025 është bërë bazuar në dispozitat e Rregullores (QKR) nr. 12/2023 mbi Sistemin e Menaxhimit të Performancës për Agjencitë në kuadër të Administratës Shtetërore. Ekipi Punues për kryerjen e detyrave dhe përgjegjësisë si Njësi Përgjegjëse për mbikëqyrjen e procesit të hartimit të planeve të performancës dhe veprimtarisë për Agjencitë e MKRS (themeluar me Vendim me numër protokolli 5812/2025 të datës 06.11.2025), ka pranuar Draft Raportin e Performancës së Agjencisë Shtetërore të Arkivave të Kosovës për vitin 2025 të përgatitur nga agjencia, me datë 27.03.2026. Ekipi punues për mbikëqyrjen e procesit të hartimit të planeve të performancës dhe veprimtarisë për agjencitë në pajtim me Rregulloren (QRK) nr. 12/2023 për Sistemin e Menaxhimit të Performancës për Agjencitë në kuadër të Administratës Shtetërore, përkatësisht nenin 9 të saj, ka mbajtur takim dhe ka shqyrtuar Draft Raportin e Performancës të Agjencisë Shtetërore të Arkivave të Kosovës, me ç ‘rast ka përgatitur komente dhe pyetje, të cilat i ka përcjellë tek agjencia përmes shkresës elektronike të datës 31.03.2026. Në vijimësi dhe në pajtim me dispozitat e Rregullores (QRK) nr. 12/2023, ekipi punues ka ftuar seancë të dialogut (siç parashihet edhe me nenin 9 të rregullores), për të diskutuar komentet dhe pyetjet e adresuara, rezultatet e arritura, si dhe zbatimin e objektivave të përcaktuara. Bazuar në analizën si dhe rezultatet e dialogut të performancës lidhur me Raportin e Performancës të ASHAK për vitin 2025, Ekipi Punues për kryerjen e detyrave dhe përgjegjësisë si Njësi Përgjegjëse për mbikëqyrjen e procesit të hartimit të planeve të performancës dhe veprimtarisë për Agjencitë ka hartuar vlerësimin përshkrues të performancës si në vijim:	

- Plani i Performancës së ASHAK për vitin 2025, i përgatitur sipas Shtojcës I të Rregullores (QKR) nr. 12/2023, ka pasur 4 objektiva kryesore të përcaktuara sipas kriterëve përkatëse.
- Secila nga objektivat ka pasur treguesit, vlerën bazë, vlerën e synuar, rezultatet, alokimin financiar dhe referencën në dokumente strategjike/politike.
- Raporti i Performancës së ASHAK për vitin 2025, i përgatitur sipas Shtojcës II të Rregullores (QKR) nr. 12/2023, ka ofruar informata lidhur me nivelin e zbatimit të objektivave, treguesit e arritshmërisë, vlerat e synuara, vlerat faktike, rezultatet e planifikuara, rezultatet e përfunduara dhe ato të papërfunduara si dhe shënimet shpjeguese.
- Nga raporti është konstatuar se objektivat e përcaktuara janë realizuar në masë të konsiderueshme.
- Bazuar në informatat e paraqitura, nuk ka opinion “të kundërt” ose “mohim opinionit” nga Raporti i fundit i Auditorit të Përgjithshëm për ASHAK.
- Bazuar në vlerësimin e rezultateve, ASHAK ka treguar performancë pozitive në të gjitha fushat e përgjegjësisë së saj të përcaktuara në objektivat përkatëse.
- Raporti ka ofruar dëshmi dhe të dhëna plotësuese për përmbushjen e objektivave si dhe burime konkrete për verifikimin e rezultateve të arritura.

Bazuar në të gjeturat e mësipërme, Ekipi Punues për kryerjen e detyrave dhe përgjegjësisë si Njësi Përgjegjëse për mbikëqyrjen e procesit të hartimit të planeve të performancës dhe veprimtarisë për Agjencitë, konstaton se Deklarata e Performancës për ASHAK për vitin 2025 është pozitive, pasi që është vërtetuar se Agjencia ka arritur objektivat e parapara me Planin e Performancës për vitin 2025.

Prioritetet e performancës

Në bazë të Rregullores (QKR) nr. 12/2023, kërkohet që të jepen edhe propozime për prioritetet e performancës për të ardhmen.

Lidhur me këtë, Ekipi Punues për kryerjen e detyrave dhe përgjegjësisë si Njësi Përgjegjëse për mbikëqyrjen e procesit të hartimit të planeve të performancës dhe veprimtarisë për Agjencitë, jep rekomandimet si në vijim:

- Në rastet ku objektivi nuk është arritur plotësisht, rekomandohet të kryhet analizë e detajuar e treguesve dhe vlerave të synuara, me qëllim identifikimin e shkaqeve dhe përcaktimin e masave për përmirësim në planifikimet e ardhshme.
- Mosrealizimi i plotë i objektivit “Përmirësimi i infrastrukturës fizike për institucionet e arkivave” është arsyetuar me faktin se parcela e ndarë nga Kuvendi Komunal për ANK–Mitrovicë nuk ka qenë në përputhje me kërkesat e projektit, për çka gjatë vitit janë zhvilluar takime zyrtare për sigurimin e një parcele adekuate. Megjithatë, rekomandohet intensifikim i koordinimit ndërinstitutional dhe ndërmarrja me kohë e veprimeve planifikuese, me qëllim të minimizimit të pengesave në realizimin e objektivave të ngjashme në të ardhmen.
- Rekomandohet gjithashtu dhe përfshirja e treguesve shtesë për të siguruar një qasje më të plotë të planit të performancës në të ardhmen.

Saranda Bogujevi, Ministre e Kulturës dhe Turizmit



nënshkrimi